


詩

益齋集元



全齋先生亂藁序

元有天下四海既一三光五嶽之氣渾淪
磅礴動盪發越無中華邊遠之異故有命
世之才雜出乎其間沉浸醲郁攬結粹精
敷為文章以賁飾一代之理可謂盛矣高
麗益齋先生生是時年未冠文已有名當
世大為忠宣王器重後居輦轂下朝之大
儒搢紳先生若牧菴姚公闇公子靜趙公
子昂元公復初張公養浩咸游王門先生

皆得與之交際視易聽新摩厲變化固已
極其正大高明之學而又奉使川蜀從王
吳會往返萬餘里山河之壯風俗之異古
聖賢之遺迹凡所謂閎博絕特之觀既已
包括而無餘則其踈蕩奇氣殆不在子長
下矣使先生登名王官掌帝制優游臺閣
則功業成就決不讓向之數君子者歛而
東歸相五朝四為家宰東民則幸矣其如
斯文何雖然東人仰之如泰山學文之士

去其靡陋而稍爾雅皆先生化之也古之人雖不登名王官而化各行於其國餘風振於後世如叔向子產何可小哉佐天子號令天下人孰不慕之而名之傳否有不在此而在此尚何恨哉先生著述甚多嘗曰先東菴尚未有文集行於世况少子乎故於詩文旋作旋棄而人輒藏之季子大府少卿彰路長孫內書舍人寶林相與裒集為若干卷謀所以壽之梓命余序余曰

先生所撰國史尚不免散逸于兵劍之言
隻字為人筭篋者煨燼何疑則若干卷不
可不亟刊行也二君其勉之嗚呼余豈知
言者哉仍父子為門生不敢讓姑志所見
云至正二十三年正月初吉前應奉翰林
文字承事郎同知制誥兼國史院編修官
正順大夫密直司右代言進賢館提學知
製教充春秋館修撰官知軍簿司事韓山
李穡序

益齋集重刊序

益齋於麗朝去李文順未乇也在
李文靖之先文順之粹完爽文靖
之辭典勁二公各極其詣并稱大
家若益齋清麗離潤棟樑一世偉
然有開天之風其大固遜於二公
其品亦不當處乎中也公萬里勤
王補縫邦闕非常之勲爛然於帛

不徒文彩之表後獨其遺集遘亂
屢毀人鮮藏者好古者憾焉許堯
叟出尹月城觀府中有舊板而刻
缺不可讀孟公為州人舊嘗梓之
以備州中文獻者也遂購得善本
將謀續梓書要余以弁卷之語余
既竒堯叟之志且有所感夫吾東
固右文矣其實稍質而不好事麗

朝文章之家對然其多矣到今遺
文之傳世落如日辰星入東文選
者代不過數人不過數篇其不
收者豈盡可棄者哉惜其全稿無
為人鏤也四佳虛白我朝之
大家其集已放佚余嘗求諸秘閣
之錄亦無見焉况麗朝之尤遠也
哉近世君子為其身都顯位其後

也必有一編集去焉剗剗之後層
諸州通以爲不朽風流既扇日新
月盛簡秩之繁雖以大池爲架恐
不能載也今堯叟厭棄而不爲述
闡古昔欲崇累百祀之朽骨以爲
藝苑之幸其志固可嘉也余故諾
而序之以塞其請

癸酉正月六日西河任相元撰

益齋先生文集重刊識

先生平日所著述不啻百千餘
言而世之所傳者只是畧千詩
篇及稗說而已迨在萬曆庚子
間李尚書時菽尹茲土始發櫝
而歲月之久字畫剝缺不可讀
識者咸歎惜之不佞適守本州
懼其世久而終至泯滅遂為改
板而重鏤焉非謂先生之名由

此而益壽吟誦之間足以感發
後生則其有補於風化者爲如
何哉舊本無年譜先生之後孫
世碩撫家藏畧記始末以示余
并以刊之左以傳于後

癸酉正月既望陽川後人許頴
書于鷄林府



右

先祖遺像即詩集中所謂我昔
留形影青青兩鬢春是也三
山有宗人胤傳奉是本歲久
破壞幾不堪傳迺倩工摹寫
謹奉藏焉以圖垂之永遠且
摹刻小像于本集卷首使後
裔之覽是集者人得以瞻仰
敬慕云時辛丑九月日

益齋亂藁卷第一

鳳州龍湫

山前翠石雙扉啓石底澄潭萬丈深明浸日光
紛閃閃冷涵林影淨沉沉斯民政要滋湯旱彼
相誰堪作說霖出沒魚兒休察見龍應先遣試
人心

楊花

似花非雪最顛狂空濶風微轉渺茫晴日欲迷
深院落春波不動小池塘飄來鉛砌輕無影吹
入紗窓細有香却憶東臯讀書處半隨紅雨撲

空床

楊安普國公宴太尉潘王于玉淵堂

湖上華堂恆素開
國公開宴樂吾君
十千美酒鸕鷀杓
二八佳人翡翠裾
菡萏香中聽過雨
菰蒲影際見行雲
笙歌未歇輪蹄鬧
漠漠西山日欲曛

七夕

脉脉相望邂逅難
天教此夕一團圓
藥鵲橋已恨秋波遠
鵲枕那堪夜漏殘
人世可能無聚散
神仙自有悲歡
猶勝羿婦偷靈藥
萬古羈樓守

廣寒

定興路上

將之成州

雨餘泥滑路逶迤兀兀行鞍撼四支安坐豈償
男子志遠遊還愧老親思野桑翳翳風來少村
樹茫茫日下遲早晚歸來報明主却尋鷄黍故
人期

過中山府感倉店事

倉唐何為者魏國一陪臣敦詩又說禮幽語皆
中倫一言悟人主遠子復相親古今竹帛上誰
其君與鄰至誠說狄相純孝稱封人願令四海

民共祠此三仁一見一感發天理不胥淪

井陘

岡巒迴合井陘口驅馬崎嶇登翠阜英雄事去
幾千載尚有威名凜如在却憶淮陰布衣時風
雲壯志無人知一朝登壇輔真主下視噲等如
嬰兒火旂焰焰驚趙壁鯨鯢血污蓮花鐔燕齋
草木靡餘風劉項乾坤傾一諾千金不購廣武
君萬金奇策誰當陳乃知百戰戰必勝不在多
多益辦只在屈已能從人

過祁縣感祁奚事

吾愛晉朝祁大夫爲君能舉午與弘乾坤自有
公道在肯以恩怨爲賢愚不教遺直困陸沉拂
袖一去雲無心當時囑帖來相謝叔后豈是真
知音嗟哉此道日已微對面九幾多是非臨歧
吊古一長嘆吾非斯人誰與歸

汾河

汾河日夜流浩浩兩岸行人幾番老陶唐舊物
山獨在萬古興亡青去盡劉郎曾此歌秋風蕭
鼓動地愁魚龍平生謾有凌雲志未見仙人永
雪容

豫讓橋

一片荒橋石誰留國士名
山含千載憤日照九
泉誠不爲恩難報徒求事易成
此言真有激邪
佞合心驚

三 黃河

黃河西流自崑崙漢使爭撻昔窮源崑崙山高
幾千仞天河倒瀉流渾渾崩騰九曲轉坤軸浩
蕩萬里浮天根有如楚漢戰垓下千兵萬馬驅
平原橫流往往不可止泛溢四野愁黎元擘開
兩山潁東注辛苦巨靈留掌痕蹇予少年遊海

上豪氣欲躋莊生鯨西江真堪一口吸雲夢不
是宵中吞今日沙頭欲解纜兀坐不覺驚心魂
腥風打頭浪如屋長帆遠與山相掀篙師絕叫
汗流瀼日暮未到南岸村我不是焚舟孟明視
斯為拳氏一雪無窮冤又不是投壁晉公子誓
與舅氏不負平生言鐵牛有知應解笑胡為涉
險西南奔

張希孟侍郎見示江湖長短句一篇以詩
奉謝

天靳文章數百年一時輸與濟南賢縱橫寶氣

豐城劍要妙古音清廟絃便覺有功名教事誰
言費力短長篇張作即題宋晦菴祠堂云公若
有靈應笑我徒費力短長篇
興來三復高聲讀萬里江山只眼前

張侍郎詩附

三韓文物盛當年刮目青雲又此賢壯志王
虹纏古劍至誠石虎裂驚絃一鞭嵐翠遊山
騎滿紙珠璣詠月篇此去浣花春政好白鷗
應氏子來前

奉和元復初學士贈別

昔從傾蓋眼能青載酒同遊遍洛城直欲執鞭

如曾叟豈惟結機比王生感公燈火三更話慰
我關山萬里行更得新詩入囊褚劔南人識汝
南評

元學士詩附

我眉山色夢中青人自雞林使錦城九域圖
經歸一姓四川風物契三生捫參歷井真虛
語詠月吟風足此行細問孔明當日事遼東
却對幻安評

蜀道

此山從古有此道幾時開不借夸媧手誰分混

沌沔天形折尾擲岡勢劍鋌摧霧送千林雨江
奔萬里雷班班穿蒼鬱矗矗上崔嵬下馬行難
竝逢人走却迴驚猿空躑躅去鳥但徘徊才喜
晨光啓俄愁暮色催金牛疑晏矣流馬笑艱哉
寄謝題橋客何須約重來

八月十七日放舟向峨眉

錦江江上白雲秋唱徹驪駒下酒樓一片紅旂
風閃閃數聲柔櫓水悠悠雨催寒犢歸漁店波
送輕鷗近客舟孰謂書生多不偶每因王事飽

游

諸葛孔明祠堂

羣雄蜂起事紛拏獨抱經綸卧草廬許國義高
三顧後出師謨遠七擒餘木牛流馬誰能了羽
扇綸巾我自如千載忠誠懸日月回頭魏晉但
丘墟

阻友符文鎮

峽雲蓬勃送秋霖野店荒涼生暮陰剛殿灘聲
戰窓牖更堪山瘴襲衣衾百年身世千般計萬
里庭闈一片心安得長風吹掃盡仰看紅日上
重岑

登蛾眉山

蒼雲浮地面白日轉山腰
萬像歸無極長空自寂寥

雷洞平

胡孫梯高天尺五石路蜿蜒細於縷
路傍大樹驚白晝七十二神開洞府
竒巖壁立下無底鴻洞雲嵐自吞吐
崖崩石出絕難度惡木縱橫若相補
颯颯何處瀉奔流俯聽遙空喧萬鼓
有時雨雹亂晴天過客屏氣誰敢侮
腐儒一見動心魄兩眼昏花汗如雨
也知平生足游觀何事窮

山愁仰俯君不見天上金門似海深
仗衛森嚴羅九虎狂夫雀躍蹈危機
達士龍潛卧環堵

眉州

吾大人三昆季俱以文筆顯於東方伯
父季父相次仙去唯公無恙年今七十
有奇若使北來得與中原賢士大夫進
退詞林間雖不敢自比於蘇家父子亦
可以名動一時顧水陸千里干戈十年
所處而安無慕乎外故天下莫有知之
者

眉山僻在天一方滿城草木秋荒涼過客停驂
必相問道傍爲有三蘇堂三蘇鬱鬱應時出一
門秀氣森開張渥洼獨步老騏驎丹穴雙飛雛
鳳凰聯翩共入金門下四海不敢言文章邇來
悠悠二百載名與日月爭輝光君不見雞林三
李亦人傑翰墨壇中皆授鉞韓洎繩樞笑無用
王家珠樹譽成癖機雲不入洛中來皎皎滄洲
委明月兩雄已矣不須論家有吾師今白髮

家
訶
師
憂

思歸

扁舟漂泊若爲情
四海誰云盡弟兄
一聽征鴻思遠信
每看歸鳥嘆勞生
窮秋雨鎖青神樹
落日雲橫白帝城
認得尊羹勝羊酪
行藏不用問君平

上灘

乘流東去泝流還
客寢何時得小安
水落沙堆銖亦重
崖崩石出寸猶難
不妨聽雨留連睡
且喜逢山子細看
只媿郵人牽百丈
汗流終日走江干

促織

促織復促織哀鳴何惻惻終夕弄機杼平明無
寸縷娶婦才聞淚似泉征夫一聽凋朱顏春風
融暖花暑子夏景舒長燕城壘胡為不自謀直
待霜清露冷方知秋促織爾何愚日月豈肯為
爾留須臾

聽塞道士彈秋風

我雖不能音好琴莫如我苟能得其趣自謂不
學可我來蜀中何所聞鼓笛紛紛耳欲破聽之
亂吾真斥之恐遭罵不謂古仙翁玩世在城中
迎我坐虛室為我鳴絃桐一鼓塵懷清再鼓古

意生王冢烟消人情悄整襟更作秋風調慘惻
兮秋之為氣也霜露漸漸兮木葉下墜白雲兮
征鴻哀江水悠揚兮山崔嵬嗟爾遠道之人兮
胡為乎來哉豈辭引滿玻璃鍾此時此客心無
窮

路上白蜀路熱

馬上行吟蜀道難今朝始復入秦關碧雲暮隔
魚鳧水紅樹秋連烏鼠山文字剽添千古恨利
名誰博一身閑令人最憶安和路竹杖芒鞋自
往還

函谷關

形勝平看十二齊下臨無路上無梯三囊約住
黃河北地軸勾連白日而天意已歸三尺劍人
心豈特一丸泥秋禾滿畝風塵靜穩跨征鞍聽
午雞

澠池

強秦若翼虎懦趙真首鼠特會非同盟安危在
此舉蘭卿膽如斗杖劍立左右叱咤生風雷萬
乘自擊在桓桓百萬兵一言有重輕鯨鱓伏高
義光可慕遺名駕言池上游去我今幾秋餘歲

起毛髮萬木寒颼颼

二陵早發

子之將如成都也內翰松雪趙公子昂
以古調一篇相送有勿云錦城樂早歸
乃良圖之句十月北歸雪後二陵道中
忽憶其詩作此寄呈

夢破郵亭耿曉燈欲乘鞍馬覺凌兢雲迷桂史
燒丹竈雪壓文王避兩陵觸事誰知曾魂磊吟
詩只得髮歸塵巾折角裘穿絰羞向龍門見
李膺

趙學士詩附

三韓望已蜀相去萬里餘
棧閣如登天劍門不可踰
誰令觸炎熱鞍馬事馳驅
王事有期程吾敢求安居
道路何綿邈山川亦盤紆
賴彼多古跡庶可慰躊躇
勿云錦城樂平歸乃良圖
秋高天氣清矯首西南隅

渡孟津

旄鉞空煩叱逆流山河曾未屬
西周陽侯不媿夷齊義莫比
黃龍負禹舟

比干墓

墓在衛州北十許里蓋周武王所封而
唐太宗貞觀中道過其地自爲文以祭
其石刻剥落亦可識一二焉夫二君之
眷眷于異代之臣者豈非哀其忠愍其
死乎而武王忽伯夷於勝殷之後太宗
疑魏徵於征遼之日者何耶因作此詩
亦春秋責備賢者之義也

周王封墓禮殷臣爲惜忠言見殺身何事華陽
歸馬後蒲輪不謝採薇人

從來忿欲蔽良知日暮令人有逆施智矣親祠

比干墓胡然却竹魏徵碑

燕都送朴忠佐少卿東歸

春風喜氣滿庭闈
稱意新官馬似飛
慚媿西山子規鳥
何人勤道不如歸

和呈趙學士

子昂

珥筆飄纓紫殿春
詩成集得錦袍新
侍臣洗眼觀風采
曾是南朝第一人

風流空想永和春
翰墨遺蹤百變新
千載幸逢真面目
况聞家有衛夫人

學士夫人書

松都送朴少卿忠佐北上

玉管停三疊金杯勸十分但應期報主不用惜
離群草盡駝鳴磧風高鴈叫雲平生四方志清
夢又隨君

登鵠嶺

烟生渴胸汗如流十步真成八九休莫恠後來
當面過徐行終亦到山頭

送從兄君實典籤赴任三陟追錄

指李家中翰墨仙湖山勝地佩韋絃登樓更長
新詩價清夢相尋謝惠連

君實兄男達中魁登司馬試

顛倒銀袍再拜難下堂携手淚潸潸咄嗟賀宴

誰能辨腸斷無人為剪髮舉進士者多儒家

無以相待必旋炊白飯故俗呼為熱飯宴言其咄嗟

九曜堂

溪水潺潺石逕斜寂寥誰似道入家庭前卧樹

春無葉盡日山蜂咽草花

夢破虛窓月半斜隔林鍾鼓認僧家無端五夜

東風惡南澗朝來幾片花

和崔拙翁進退格

強顏徇俗非天爵克己希賢近功縱使不成

優劍鵠豈緣無用悔屠龍中年漸覺人情隘後
世那知物論公寄語平生三益友他時刮目更
相從

舟中和一齋權宰相漢功將之江浙時

蘭舟曉發白雲樓遙指江南第一州滿酌金杯
撻畫鼓不夢西子亦風流

金山寺

舊聞梵率莊嚴勝今見蓬萊氣像閑千步回廊
延漲海百層飛閣擁浮山忘機鷺宿鍾聲裏聽
法龍蟠塔影間雄跨軒前漁唱晚練波如掃月

如鸞

焦山

裴老開浮玉曾襟讓一焦海吞吳地盡山控楚
天遙蜃氣窓間日鷗聲砌下潮欲歸還倚杖松
竹晚蕭蕭

多景樓陪權一齋用古人韻同賦

楊子津南古潤州幾番歡樂幾番愁佞臣謀國
魚食餌黠吏憂民烏養羞風鐸夜喧潮入浦烟
衰暝立雨侵樓中流擊楫非吾事閑望天涯苑
蟲舟

吳江又陪一齋用東坡韻作

十年俯首塵土蜜夢想滄洲欲愁絕吳江清勝
天下稀我初聞之趙松雪滿船載酒携佳人巧
笑清歌玉齒頰垂虹橋下白鷗飛白波接天天
四垂停盃更待江月上信棹自喜風帆遲却憶
岑參與杜甫瀼陂之樂真兒嬉

姑蘇臺和權一齋用李太白韻

苧蘿佳人二八時玉質不勞朱粉施吳宮歡笑
幾時畢正是越王嘗膽日姑蘇城頭秋草多姑
蘇城下江自波鷗夷一舸今在何

高亭山

伯顏丞相駐軍之地

江上山如淡掃眉人家處處槿花籬停舟欲問
松間寺策杖先窺竹下池帆影暮連芳草遠鐘
聲曉出白雲遲憑欄一望三吳小像想將軍立
馬時

宿臨安海會寺

梵宮臺殿遠嵯峨沙步移舟夜始過峽月轉廊
隨響簷簷溪風入戶動鳴珂山因蘇子知名久樹
自錢王閱事多陌上春歸花寂寂唯聞谷鳥和
村歌陌上花曲即此地事

冷泉亭

為愛溪邊石扶筇小立時微波含落照影動掛
猿枝

遊道場山陪一齋用東坡韻

煙收澄波動林麓日上翠靄浮巖谷長松苦竹
十餘里未到山中清興足吳興田野海瀟漫只
有此山龍屈幡山中道場名伏虎石欄桂柱臨
風湍道人閉戶不浪出竹作匡床蒲作席壓簷
老樹高十尋云笈移來自封植有懷謝公携翠
鬟任性逍遙雲水間富貴他年却不免夢魂空

想東西山百歲真同客與旦更耐憂患常居半
世人豈比此道人令我悠然一長嘆

虎丘寺十月北上重遊

闔閭城外古禪林生公堂前樹陰陰重遊髣髴
三生夢四顧微茫萬里心樓閣影重山月上轉
轡聲遠石泉深藍輿歸去江村路雲際猶聞鐘
磬音

多景樓雪後

樓高正喜雪漫空晴後奇觀更不同萬里天圍
銀色界六朝山擁水精宮光搖醉眼滄溟日清

遠詩勝草木風却笑區區何事業十年揮汗九
街中

淮陰漂母墓

重士憐窮義自深豈將一飯望千金歸來却責
南昌長未必王孫識母心

婦人猶解識英雄一見殷勤慰困窮自棄瓜牙
資敵國項王無賴目重瞳

西都留別邢通憲君紹

露侵征袖曉寒多酒盡離觴塞月斜誰料北窓
螢雪客每年鞍馬走風沙

北上

斷鴈秋聲苦荒雞夜色闌呼燈憎僕懶騎馬怕

兒寒

時率兒子而行

草動霜飄袂水穿冰迸鞍主恩猶


未報努力敢求安

去魯情何極遊秦興未闌每懷姜被暖誰念范
袍寒對酒頻彈劍吹燈乍枕鞍白雲看漸遠安
得報平安

寄遠

懽樂翻教恨懊新功名只管別離頻可憐畫閣
樽前月還照邊城馬上人

益齋亂藁卷第一



大正十一年

十月



益齋亂藁卷第二

雪

朔風卷地暗河津
塞雲作雪愁行人
兩儀洪荒盪元氣
萬物陸離含古春
初疑倒瀉銀河空
轉恐壓折青山峰
天女霓衣戲鸞鳳
海仙貝闕翻魚龍
馬蹄凌兢鞭不動
身上氈裘百斤重
令人却憶孟襄陽
驢背吟詩忍飢凍
逆旅主人真可人
爲我一發浮蛆瓮
誰能興盡到門迴
席暖且與程奴共
君不見吳中朱生畫
稱絕姑蘇朱澤民善畫
蘇亭螭雪鵲短幅
曾掃燕山雪
河橋老柳不棲

鴉山店閉門烟火滅客子驅車欲安適應被名
韉牽鼻裂豈知九雨衣下黑甜鄉一天歲月無
寒涼畫中之境今自蹈畫中之意不可忘白頭
更有相逢日握手被圖感嘆長

忙古塔萬山嶺名

密雪壓空谷萬木寒無聲征人戒長道迨此東
方明襟神生鐵甲鬚髭絡珠纓路窮馬蹄澁却
立心為驚捷禽亦安往拂翼時一鳴

雪用前韻

去年此日揚子津雪華濛濛愁殺人浮玉山前

駐蹕揖百錢徑買金陵春酒酣豪氣薄雲空走
尋北固登翠峰海天上下同一色日月東西迷
六龍長風掉鞅欲驚動萬木含枚若持重冥搜
興逸太素前撥筆題詩愁硯凍擁褐南窓夜色
明半輪霽月暉鐵氣神清宛在廣寒宮勝嘗只
恨無人共今年此日大愁絕匹馬關河三尺雪
空羣草木吟蕭條碣石雲烟杳明滅何夕前程
問幾何酸風如刀面欲裂君不見百年身在夢
魂場一年年去增悲感亦知銷金帳下淺斟低
唱有餘樂亦知淮西夜半提軍縛賊功難忘日

高閉門卧不起寂有老安興味長

次韻白文舉尚書見贈

交友誰如子通家匪自今同眠直廬雪共飯旅

床霖第畜工盡宋

翰

朋從嗜酒金就芝泥分日

掌桂醞趁宵斟意外高遊散曾中往事森關山

左杳杳歲月苦駸駸謫遠非其罪貪榮豈此心

每懷知我鮑見許齒諸任伐木義何改拔茅情

更深撫筆悲謝傳投杼惜曾參邂逅顏初破綢

繆膝並侵興隨雲北去話到日西沉爲命推東

里論才敵上林安能久高卧早晚拜綸音

感懷

旅枕難號夢易迴
征鞍欲拂思悠哉
霜風浙瀝貂裘弊
星月闌干畫角哀
清渭却思浮葉去
玄都非爲看花來
孟嘗賓客皆珠履
豈必三千搃俊才

枕肱茅店夜三更
矯首金臺路幾程
苦節頗同彈鋏客
芳年已過棄繻生
窮通有命悲親老
緩急非才愧主明
畢竟行藏誰與問
滿窓霜月獨鍾情

半世雕虫恥壯夫
中年跨馬倦征途
孟盤草草

燈花落關塞迢迢曉月孤華表未歸千載鶴上
林誰借一枝烏有錢經買澆腸酒莫使詩班入
鬢鬚

長卿去蜀曾題柱鄒子遊梁得曳裾奔走無功
合投劾交遊似夢惜離居未拚蓑笠盟鷗鳥已
分圖書養蠹魚一望鄉關時自笑百年天地亦
蘧廬

冬至

昔從蕪城向松京道邊高樹聞蜩鳴火雲燒天
口生土空歌滄浪思濯纓豈料地中陰已萌轉

頭一葉驚秋聲拙婦功裘猶未戲履霜竟致水
崢嶸今從松京向燕城往來七

虧盈律調

黃鍾斗插子短晷南至一陽生最憶吾家第與

兄齊奴豆粥咄嗟烹

東人冬至必烹豆粥

舞綵高堂獻壽

觥人間此樂難為名顧子劫劫欲何營此日悠
悠獨遠行安坐無由報知己簡書況復催歸程
羣邪詘兮賢彙征衆陰消兮世文明早晚春風
遍四瀛坐看萬物自生成

十一月十五日

松巒龍盤擁明堂威鳳樓前千步塲先王遺風

及子孫每年此地宴羣臣塞子反足蛾眉班天
語曾聞咫尺間宮花露濕月中迴仙樂風飄雲
外來上王忠宣王以國禪于元垂簾許同覩大
平盛事無前古夜深更講家人禮和氣融融仍
洩洩上有好者下即效君子盡孝民興孝此日
繁華應似舊至樂還如舊時否遼海蕪山路四
千奉觴上壽知何年陰雲低空集微霰獨立蒼
茫淚如綫

望海

早聞觀水在觀瀾測管洪溟得一班白日九跳

呼吸裏青天轂轉激揚間不隨鵬翼搏千里誰
見鰲頭冠五山可惜區區精衛鳥一生啣石不
知難

黃土店

聞上玉見諧不能自明

世事悠悠不忍聞荒橋立馬忽忘言幾時白日
明心曲是一處青山隔淚痕燒棧子房寧負信
桑靈輒早知恩傷心無術身生翼飛到雲霄一
叫閣

咄咄書空但坐愁式微何處是茅裘十年艱險
魚千里萬古升沉貉一丘白日西飛魂正斷碧

江東注淚先流滿門簷履無難狗飽德如吾死
合墓

寸腸冰炭亂交加一望燕山九起嗟誰謂鱣鯨
因螻蟻可憐螻蛄許蝦蟇才微杜漸顏宜諸責
重扶顛髮已垂萬古金縢遺冊在未容群叔誤
周家

明夷行

楊朱曾哭路多歧魯叟亦嘆麟非時荒雞未鳴
夜何其喪狗獨立迷所之憶昔吾君初入相兩
扶紅日上咸池功成不退古所誠坐令西伯玩

明夷式微胡爲寓旄丘已老曷不營菟裘古聞
驂乘致芒背今悟曲突賢焦頭唐虞揖讓冠千
古有城底事名堯囚滄浪水清耳不洗箸向塵
編對許由

烏頭白送朴仁幹

烏之生兮黑如漆人之見兮心共嫉可憐鮮為
燕丹羞一昔含冤成白頭我嘗恠汝日中處又
恠金母常使汝今乃知啾蹢萬類中一點丹心
無汝同啞啞飛來復飛去又哺林間受辛苦人
爲孝子出忠臣嗟哉汝是禽頭人世人與汝誰

能伍願把襟裾換毛羽

在上都奉呈柳政丞清臣吳贊成潛

去年恠事不忍聞稷蜂肆毒蠅止樊一封譴責

下天門白日訥訥雲雷屯三韓主父趙武靈王傳位於子

國人謂之主父尚史記

外孫一去萬里投西蕃界天雪

嶺連崑崙颺颺晝嘯黃河源回頭却望榆塞垣

痛哭淚盡雙眸昏衣冠縮縮疑排根百鍊繞指

愁劉琨孤臣才立無攀援守桂舊轍瞻歸軒信

音漸稀空斷魂天光那肯照覆盆緹縈獻書悟

至尊好生仁化霑無垠况今嗣王躬朝元一言

庶得蠲煩寃豈料下車席未溫閭墻謗讟蛙蝮
喧葛藟誰令庇本根四維蕩若風中幡緬懷神
聖起鐵原擲沐風雨饑忘殮荆垂蘿圖裕後昆
四石餘載流風存邇來事大義彌敦世承禁衛
榮諸藩過如日肯何足論有信尚可羞頻繫桑
穀生朝錫祉繁法星退舍由斥言君臣之令父
子思造次顛沛不可援至誠若能感乾坤悔禍
產祥猶掌翻二公德馨逾蘭蓀輔漢盛業推揚
袞故投苦語代叫閤勿倚絲 輕芹暄

至治癸亥四月二十日發京師

上王時在西番將往

拜

主恩曾未答丘山萬里驅馳敢道難彈劒不爲
兒女別引盃聊盡故人歡五雲回首籠金闕片
月多情照玉關唯念慈親鬢如雪數行清淚洒
征鞍

涿郡

羨壤每每接大行東秦右臂北燕吭劉郎却愛
蚕叢國故里虛生羽葆桑

白溝

誰將督亢餌強隣空費金繪歲結親尺水區區

迤南技可能卧掇不容人

馬上

驅馬上丘原黃塵滿征鞍嘉禾稿已盡杲杲升
朝暾豈爲去鄉國悲歌行路難願言得甘霖維
以慰黎元

隻輪載家具夫婦相挽推行行日數里就食南
州來民生苦與樂造物已安排顧予是何者對
之獨傷懷

日午汗如濯小立溪聲中飛塵攪馬過氣若烈
火烘鳴蜩悅美蔭倦鳥思深叢何時紫霞洞歌

枕聽松風

偃僂驛中卒顛倒身上袍移床拂簟席飽酒慰
我勞致君媿無術旅食驚二毛區區欲何爲亦
來煩爾曹

相州夜發

宵征圖避暑清興亦難窮星斗蒼茫外山川寂
寞中滿衣芳草露拂面綠槐風此夜華堂月還
應夢轉蓬

舊迹真一夢浪跡又飄蓬故國飛雲下征途
異景中野平山隱地村遠樹浮空媿負平生志

非求汗馬功

鄴城

漢月依依照露盤
金人獨自淚闌干
須知鄴下荀文若
永愧遼東管幼安

又

聖人有所爲爲民非爲台君
看唐虞事先天天
不違毫釐涉人欲顧所生
禍機如何魏公子盜
蹠方仲尼物理喜自反
典午已相欺爲龍父
麟蛻捕蟬忘雀窺箕山
臨潁水千載想風規
童童路傍樹翠葉含清
颼下馬成野酌酒盡還

卷之六
小留來牛與去馬窮達各
求悠哉百年內誰
肯死前休

端午

旅食京華十過春西來又作問津人半生已被
功名誤文客偏驚節物新萍梗羈蹤青海月松
楸歸夢泰封塵旗亭且飲菖蒲酒未用醒吟學
楚臣

覃懷

塵埃十日眼長昏路入覃懷頗慰魂槐樹薰風
吹麥壠竹根流水繞柴門太平間并群蜂綴何

限峯巒馬奔聞說元朝留轍跡野人猶頌感
皇恩

孟津記事

驅車轉轉到河洲
冰深水落不可舟
西山白日落欲盡
黑棧漫空天爲愁
忽驚疾雷如堆墻
列缺亂掣金蛇光
馳雲攬霧送飛雨
萬騎銀槍來洛陽
大風知從何許來
擺弄乾坤勢莫迴
揚沙振尾豈足道
欲捲孟津生劫灰
腐儒閉門對孤燈
駭汗洽背心冰兢
天公高居鬼神惡
恍惚恠事從誰徵
呼童吹燈且安眠
禍福豈不懸蒼天

夜深萬竅收怒號星月炯炯流清輝

王祥碑

在洛陽南三十里

有扁路傍石上有王祥字卧冰得泉魚饋母此
其地嗟我事宦遊連年負慈侍區區望雲心甘
旨遠難致何嘗報剪髮僅足同齧臂載讀孝子
碑茫然技清凌

新安站

有蕃僧搗殺站吏

西域桑門世所師頭戴烈火語溫吟逢逢打鼓
雜鈴螺說有秘術能降魔有徒寔繁蟻慕膾餽

肉嗽醪稱插田來承金帛去馳傳十十五五如
奔電新安站吏亦何辜盡手一飽僵路隅風吹
日炙蠅蚋集妻子相看空雪泣

靖陵行

秦穆公舉五羖於牛口不以卑賤棄取
由余於西戎不以疎遠疑及靖之敗悔
不用蹇叔而思黃髮之言誓不替孟明
卒獲焚舟之效古所謂捨己從人立賢
無方者穆公有焉秦之能服山東無敵
於天下蓋好賢之餘力向使商君不憂

法趣利亦足為有道之國以克永世矣
牛鳴絳垣師期報鄙鄭功虧棄聿犒峻陵山高
鼓角悲萬騎東來如電掃墨衰禦敵責有歸素
昨迎軍義彌邵追懷元老謝前非不棄累臣收
後効龍驤千艘作飛灰鼠竄一境無橫草秦強
知在好賢心百二山河非我寶

函關行

夫子曰三人有我師十室有忠信孟嘗
之客蓋三千焉豈無一賢智奇謀之士
而獨賴鷄鳴狗盜者然後脫身於孤秦

乎抑其好客有類於葉公之好龍而譬
玉覆珠者亦似龍而已耶鷄鳴狗盜之
之賤者二客能處衆而無愧意既成功
而無言固自有過人之量其處卑自
汙投機致用豈以此矯衆客之浮誇而
激孟嘗之沆取耶是則予可知也

孟嘗賓客三千少連鑣結軌臨淄道大冠如箕
劍柱頤然諾相傾泰山倒咸陽塵土令人老天
涯去夢迷芳草孤鶴投籠不自由猛虎得肉寧
辭飽馮驩無魚空自歎雍門有琴且勿彈冀闕

天深函谷遠誰膏吾車度千山張陳應慚養卒
口老薛亦謾屠兒手丈夫有志無賢愚莫惜黃金鑄雞狗

題華州逆旅

日卿初昇玉女扉嵐光欲染羽人衣誰能引我
丹梯去手折蓮花駕鶴歸

題長安逆旅

車馬函關道風塵季子裘轡環天下半心逐水
東流萬事唯呼酒千山獨倚樓青雲有知己未
用嘆悠悠

倦客重遊秦樹老佳人一去隴雲賒愁聽杜叟
三年笛悵望張俠萬里檣夢裡家山空蕙帳酒
闌簷雨落燈花宦情已似秋雲薄曾次唯餘一
寸霞

海上箕封禮義鄉曾修職貢荷龍光河山萬世

同盟國雨露三朝異姓王貝錦誰將委豺虎謂伯

斚豆干戈無奈到參商謂曹頗使兄弟不和扶持自有宗

桃力會見松都業更昌

早信忠誠可動天孰云仁聖竟容奸雞竿曙色

開陽谷鳳闕春光到雲山識雨池蛙喧欲闢謂奸

黨徽嘆雲泉鶴倦思還謂閔清許有全兩老以忠宣王事上書陳乞而
有沮之者二老不區區兵薛何為者自鼓龍胡
能久留將歸國也
徹帝關

鄭莊公墓

先王樹懿親故使庇本根京叔固違道鄭莊亦
少恩遂令羣公子繼亂殘斯民革面事三主鄙
哉蔡封人

許文貞公墓 魯齋

魏公懷粹德崛起際風雲絳灌雖同列唐虞欲
致君辟雍方繪像泉路久修文慕蘭嗟生晚荒

涼馬鬣墳

道見月支使者獻馬歸國

西極山高天駟遊下顧龍媒生騶囊彌山蔽野
盡兒孫草軟泉甘無扎天駟駟驪駘魚留驪赭
白驪黃駢綠縹胡兒考牧如理軍類聚群分不
相競視其害者而去之亦如農夫耨荼蓼就中
一簇獨絕倫骨骼清雄氣深眇低徊豈願困泥
途奮迅應思跨雲杪紫驄君長相戒言偶強吾
非雕髻趙大元盛德冠百王一劍撥亂邦基肇
更聞嗣皇膺寶錄神機整頓乾坤了越裳白雉

黃支犀昫人馴象能言鳥爭來作貢混文軌可
獨懷安煩介紹請持此馬進天閑得與多方瞻
日表青絲絡頭不敢騎牽出國門心悄悄朝經
懸度躡嵌空暮過流沙凌浩漭行及兩年方至
朝語憑重譯粗堪曉受金秘府帶圓牌錫宴華
堂殿清醕人知感義面欲顰馬解承恩首頻矯
尻睢分張怒虎蹲目焰迸射流星皎屹立風生
禁禦深長鳴志在天衢杳勅令大僕備法駕習
步芳園浴靈沼和鸞綴轡搖令令剡錦幪鞞垂
嫋嫋涼淀北巡秋塞晴柳林南獵春原燎脫兔

驚鳴爭後先衛公孫叔慈輕躋文帝九良徒歛
蜀秦襄駟鐵猶驂蓀因思漢武占發書識得蒲
稍來有死燉燠塞邊還車徒貳師城下揚旗旄
從然內既致權奇其奈中原是流等方今欲慕
舜衣垂服遠不貴用千敵但嘉絕域子來心豈
謂良駒天下少百川流水注滄溟萬文孤松掛
羅爲物無巨細知所歸矧我大邦能守小寄聲
使者報爾君更獻真龍先學擾

關龍逢墓

英名萬古感人心秦華山高河水深社口園生

應不億誰將齒髮到如今

漢武帝望思臺

漢皇好奇士江充來犬臺古端寄毒螫肚裏藏
禍胎狺狺吠舊主全趙飛驚灰茂陵自英武將
相多賢才胡爲不繫鉅利祿崇奸回天倫化豺
虎矣園空草莽

金齋亂藻卷第三

則天陵

歐陽永叔列武后唐紀之中蓋襲遷固
之誤而益失之呂氏雖制天下猶名嬰
兒以示有漢若武后則抑李崇武革唐
稱周立宗社而定年號凶逆甚矣當舉
正之以誠無窮而反尊之乎謂之唐紀
而書周年可乎或曰記事者必首年以
繫事所以使條綱不紊也如子之說中
宗既廢之後將闕其年而不書天下之

事當何所繫之哉曰魯昭公爲季氏逐
居乾侯春秋未嘗不書昭公之年房陵
之廢與此奚異作史而不法春秋吾不
知其可也

之客萬事慵好古意未歇停驂問遺民在道尋
斷碣關輔古帝畿壯觀不湮沒千年阿婆陵百
里見城闕根連隴坂長氣壓秦川濶麒麟與獅
子左亡勢馳突侍臣羅簪纓猛士列鉞鉞當時
竭財力慮欲固高鏑興廢理難逃久爲狐兔窟
憶昔陰乘陽四海憂禍烈北鳴殷家索燕啄漢

嗣絕文皇順天心百戰啓王室居然攘神器肯
念黃裳吉丁寧雙陸夢黯慘虞淵日尚賴得忠
賢終能返故物歐公信名儒筆削未免失那將
周餘分續我唐日月區區女媧石豈補青天缺
擬作摘段編才踈愧王勃

後閱晦菴感遇詩拊卷自嘆孰謂後生
陋學其議論有不謬於朱子耶又得范
氏唐鑑讀之亦有此論不覺一笑悔其
少作也仲思誌

唐肅宗陵

飛龍起靈武上皇蜀中歸能以天下養四海知
孝慈同輿白衣客散策良得宜小兒亂紀綱西
內日淒惻可憐高將軍投荒髮如絲爲問北來
者尚父果是誰

邠州

行穿山窮窅俯見樹扶疎地僻宜澗飲民醇多
穴居麥黃仍水碓桑綠已繰車看取田園樂周
家積累餘

涇州道中

出谷天無際登坡路如平塞雲拖雨黑野日隔

林明萬里思親淚三年戀主情
哦詩聊自遣漸覺錦囊盈

涇州

宋日西羌屢震驚因將國尾付書生
聖元四海清如鏡未用曾中十萬兵

憶松都八詠

鵲嶺春晴

八仙宮住翠微峯縹緲烟霞幾萬重
一夜長風吹雨過海龍擎出玉芙蓉

龍山秋晚

去年龍岫菊花時與客携壺上翠微一逕松風
吹帽落滿衣紅葉醉扶歸

紫洞尋僧

石泉激激風生腋松霧霏霏翠滴巾未用山僧
勤稅袖野花啼鳥解留人

青郊送客

小溪深處柳飛綿細雨晴時草似烟客去客留
俱不礙一樽相對好山川

熊川楔飲

沙頭酒盡欲斜暉濯足清流看鳥飛此意自住

誰領取孔門吾與舞雩歸

龍野尋春

偶到溪邊藉碧蕪春禽好事勸提壺起來欲覓
花開處度水幽香近却無

南浦烟蓑

一灣蒲葦雨瀟瀟
隔岸人家更寂寥
漁罷呼兒收綠網
刺船歸趁晚來潮

西江月艇

江寒夜靜得魚遲
獨倚篷窓卷釣絲
滿目青山一船月
風流未必載西施

朝那

金天淑氣胚崆峒磅薄雲山千萬重彈箏峽口
草蕭瑟六月髡髯來西風君不見漢家貴重麟
麟功將軍多承茅土封六郡豪強五陵客半夜
撫劍瞻邊烽走馬寧論青海遠調弓已覺流沙
空豈念山東江淮困飛輓昔一鍾今不壘縱
令趨裘款塞旅庭實所得何嘗償百一聖元德
宇同乾坤外薄四海皆藩宣瓜分封疆樹懿戚
慕尊列省專兵權至元以來兩甲子野老箕梳
我當年我行朝那址古壘生黍稷先兒劍買牛

胡婦事蚕織爾輩安知蒙帝力豈無段紀明亦
有趙充國不忍使驅赤子除蠱賊

金剛山二絕

普德窟

陰風生巖曲溪水深更綠荷杖墜層巔飛蒼鴉
雲示

摩訶演菴

山中日亭子草露濕芒屨古寺無居僧白雲滿
庭云

招崔壽翁

琴書一茅屋高卧樂幽獨故人來不來東鄰酒
新熟

古風七首

歲暮連日雪百卉俱拉摧政恐入新春陰雲仍
未開娟娟一樹梅脉脉在空谷幽香人不知瘦
骨清如玉

宵寒夢易破憂轉不自聊攬衣起窺戶落落星
月高開爐具燈火坐聽風枝號念彼窮谷士誰
與同其袍

公子遠行役鞍馬光翕龍燄悴玉樓妾思淚不

教滴念之不可忘奮飛無羽翼寒鍾鳴苦遲何
時東方白

三冬天地閉龍蛇蟄幽宮世道多反覆君子有
固窮虛窓列遠岫白雲度晴空從嗔不迎客揮
琴送飛鴻

蘇秦學鬼谷適取勞其生起來佩相印足使妻
嫂驚胡為任寸舌抵死談縱橫便有二頃田知
渠不躬耕

山中有故人貽我尺素書學仙若有契此世真
蘧廬軒裳非所慕木石難與居不如飲我酒死

生任自如

清朝樂無事十日九下帷偶然出官道立馬看
奔馳草草功名士紛紛豪俠兒歸來對黃卷一
笑還自怡

朴淵

時春山氣佳谷鳥如喚客幽尋協宿想勝賞欣
新獲沉沉古雙湫欲近悚魂魄神物襲重泉飛
湍下千尺泓澄瀉雲天蕩漾動林石義責甘施
鞭冥期契聞笛交感由情衷奚云幽明隔采采
巖中花特以侑洞酌嘉澤戒屯膏吾民藝穡麥

感懷二首

杜鵑花發杜鵑啼
香霧空濛月欲西
立馬得詩還忘却
鳳城東望草萋萋

光風轉夜露華微
零落春紅欲滿衣
喚取佳人騎細馬
教吹玉笛月中歸

范蠡

論功豈啻破強吳
最在扁舟泛五湖
不辭載將西子去
越宮還有一姑蘇

送息影菴

同道相從古亦稀
中年遠別忍霑衣
空江目盡

思無盡一片風帆去似飛

無題

青天碧海夜漫漫愁殺姮娥桂樹間
白兔長年空搗藥一迴圓缺減朱顏

聞淮安君出家寄呈

鼎食褰題付幻泡出塵風骨見高標
慈烏待哺頭渾變乳鷺營巢舌未調
花謝梁園春寂寂月籠祇樹夜寥寥
儂家此理何增損蒼海桑田自暮朝

火中良玉水中蓮夜半踰城去杳然
雲衲搜來

新面目綠窓啼盡短因緣瑤琴月照三生夢玉
塵風傳一味禪碌碌儒冠成底事可憐奔走二
毛年

九月十五日晚起有感寄示尹汝衡學諭
風從西來聲滿天恍若鐵騎驅平原墻頭綠樹
忽憔悴一夜落葉盈空園衆禽欲棲却飛去撼
撼踈枝撼寒雨爭紅逞紫亦近耳豈謂如今遽
如許君看萬物生無知生理一聽天公為無端
寒燠有遷改似為榮悴相欣悲騷人况復情所
鍾方寸每受百慮攻不辭雪霜點鬚髮安得江

海澆心曾縹囊古書老不觀
蒯綏長劍慵不憚
人間窮達真細事但問大樂留童顏

和林石齋尹撈軒用銀臺集瀟湘八景韻

石齋名孝修
撈軒名爽

平沙落鴈

行行點點整還斜欲下寒空宿暖沙
恠得翩翻移別岸舳舻人語隔蘆花

遠浦歸帆

行舟賈客似兒童香火人人乞順風
賴是湖神能泛應衆帆齊舉各西東

洞庭湖神
分風送舟

瀟湘夜雨

楓葉蘆花水國秋
一江風雨洒扁舟
驚迴楚客三更夢
分與湘妃萬古愁

洞庭秋月

三更月彩澄銀漢
萬頃秋光泛素濤
湖上誰家吹鐵笛
碧天無際鴈行高

山市晴嵐

漠漠平林翠靄寒
樓臺隱約隔羅紈
何當卷地風吹去
還我王家著色山

漁村落照

落日看看街遠岫歸潮咽司上寒汀漁人去入
蘆花雪數點炊烟晚更青

江天暮雪

柳絮飛空欲下遲梅花落地亦多姿一樽且盡
江樓酒看到蓑翁卷釣時

煙寺暮鍾

一幅丹青展不封數行水墨淡還濃不應盡筆
真能爾南寺鍾殘北寺鍾

扑滿

萬尋澄澈青銅鏡千尺逶迤白玉虹恠底古今

流不盡層巖直上是龍宮

和李明叔雲錦樓四詠

荷洲香月

微波澹澹月溶溶十頃荷花一道風記得臨平
山下宿酒醒身在畫船中

松壑翠雲

一抹黃葉遠無聲萬壑蒼雲漲欲平卷上山頭
吹不散料應晚雨未全晴

漁磯晚釣

魚兒出沒弄微瀾閑擲纖鈎柳影間日暮欲歸

衣半濕綠烟和雨暗前山

山舍朝炊

山下誰家遠似村屋頭煙帶大平痕時聞一犬
吠籬落乞火有人來扣門

菊齋橫坡十二詠

太公釣周

混世浮沉匪苟安得時經濟豈云難君看八百
年周業只在磻溪一釣竿

四皓歸漢

見說扶蘇孝且仁胡令二世禍生民逋翁不為

早辭屈未忍劉家又似秦

謝傳東山

雲水光中醉作鄉
致君功業未全忘
挽鬚卜落
聞箏淚更覺東山興味長

子猷剡溪

故人家住翠微間
滿目溪山雪月寒
乘興胡爲
來便去不妨呼酒共憑欄

廬山三笑

釋道於儒理不齊
強將分別自相迷
三賢用意
無人識一笑非關過虎溪

竹林七賢

曹馬乘機盜九州有心何力過橫流竹林別是
華胥國樽酒相從萬事休

孟宗冬筍

雪中新筍宅邊生摘去高堂慰母情但使子孫
能盡孝乾坤感應自分明

黃真桃源

萬古仙鄉路未通胡為已到却恁恁重來物色
渾如夢空使桃花笑殺儂

鶯尋玉京

高齋雙鶯訪空閨應感佳人惜別時相對冬心
不知語一庭風雨落花時

犬救楊生

濡尾溪流走幾迴免教醉夢困煙灰縱知此犬
能相救莫更昏昏泥酒杯

潘閭三峯

落日青山興未闌欲題詩句破天墜任他行路
嘲輕脫倒跨驢兒點檢看

范蠡五湖

功成亦欲試良圖月棹烟蓑向五湖卷却吳宮

春色去獨留秋草滿姑蘇

送完山李半刺

楊柳飛綿草似茵青郊立馬淚霑巾春風無限
相思意說與江南坦上人僧禪坦能詩

竹笛贈趙忠州

吾家竹笛清如玉持贈風流趙使君醉據胡床
江上月一聲吹破萬山雲

送許理問歸遼陽進退格

七年惠愛感民衷一世英名聞帝聰華衣縱歸
丁令鶴草廬還起孔明龍雞聲曉店月掛柳馬

影幕山風捲蓬是處知君偏見憶幾人如我久
相從

寄題白花禪院觀空樓次韻

勝遊多是費躋攀最愛蓮坊住淺山一水帶鋪
延曠遠雨霽襟合野幽閑莫求世外無心外須
著人間此夢間一聽樓名如有契便堪千里笑
開顏

達尊杏花韻

一株仙杏鳳城西占斷春光傍柳堤
鬱鬱紫煙迷遠近離離紅日照高低
暗香帶露添蜂蜜亂

點隨風著驚泥忽憶錦波亭下路蒲身清影醉
扶藹

淡兮春光小巷西倚牆無語俯長堤帶裝絳蠟
風吹折花簇丹砂雨壓低驚墮佳人金捍撥巧
黏游騎錦障泥綠陰青不空惆悵滿意尋芳莫
辭藹

御溝南畔畫橋西記得偷閑步綠堤出屋數枝
春雨過繞城千樹夕陽低玳筵錯落啼紅燭鳳
詔淋漓濕紫泥欲折長條賞天巧却愁零落不
堪藹

遼陽路上寄朴忠佐少卿

遠林雞犬天未晞征車欲發思依依孤城月照
主人屋大野風吹游子衣浮生百年會有盡故
國千里何當歸華表亭前重回首慚愧仙人丁
令威

山中雪夜

紙被生寒佛燈暗沙彌一夜不鳴鐘應喚宿客

開門早要看庵前雪壓松

樂天宿客不來嫌冷
淡似用儀禮宿賓之

宿子美犬迎曾宿客則
寄宿之宿今用杜語

栗谷人家

歲暮天寒雪欲飛
旋收雞狗掩柴扉
馬芻奴飯猶能辦
勸客明朝且莫歸

偶成

殘酒憎騰雪滿簪
煮茶聲裏日西南
最憐稚女無愁思
手剪柔桑學饅蚕

謾成

老去功名念自輕
且將幽事送餘生
池邊剪葦看雲影
窓下移蕉聽雨聲

烏紗白著午風輕
石枕藤床雨氣生
獨倚北窓尋夢境
綠陰何處一鶯聲

雪後約竹軒訪李柯亭山齋

柯亭人境兩清幽，象想山陰雪後遊。
若使同行有詩友，子猷未必便回舟。

中菴居士贈詩八首，務引之入道，次韻呈

似

道門終古隱然閑，脚踏何論上與臺。
彼佛曾教丹化鐵，吾儒奚恤海持杯。
信標衣鉢非言得，樂在簞瓢豈利回。
許我洗心參五葉，希公著眼覩三才。

大地炎塵撥不開，清涼獨占竹邊臺。
門無車馬

腰無印家有絃歌手有杯霖雨應須一龍起立
山未信萬牛回請看鶴壽峯前地也者三韓老
秀才

冀掃堆中眼開到頭渾是九蓮臺驪鱗觸處
難求寶蛇足添來或失杯萬物秋凋還夏茂三
光西沒却東回分明此理誰拈破四海除公有
辨才

吞吐江山口闔開肯教塵端礙靈臺真功牛入
庖丁刃妄想蛇逃樂廣杯樂國公能許同往寶
山吾亦免空回有心潤色無文印未信金仙不

要才

明主當時理具開
看公澗步土金臺
笑談幾已重九鼎
襟袍魯直如一抔
鍊石只言天可補
揮戈豈料日難回
蒼生笑誤東山興
際會誰非將相寸

一掬天慳天為開
更將詩眼著亭臺
尋僧散步雲隨杖
對客高談月入杯
積翠低簷相媚嫵
落紅浮水故縈回
園林鍾鼓真詩勝
題詠須憑吏部才

舊讀詩書心孔開
不窺閭館與崇臺
向來亦陋

蕭曹筆此去却耽嵇阮杯如挾太山超海過
行千里及門回二毛已負鑽堅志深愧雕虫不
是寸

岑鏤閉扉日懶開紅塵况擬走章臺玉川腹裏
五千卷李白手中三百杯歲月頻驚隙駒過行
截頗愧磨驢回東門幸有宜瓜地遮莫乾坤生
我才

西京留守慶宰臣寄凍魚

朝天石下王鱗魚千里飛來入我廬一見忽驚
靖到骨只緣腹有令公書潯官有

送李翰林還朝

早知毛骨異凡流
刮目青雲得意秋
三級風雷起蓬華
九天雨露洽松楸
鳴江柳暗牽離思
鰲禁花開待勝遊
樽酒論懷更何日
白頭身事付滄洲

簡李員外

吾生如寄耳
方寸只君知
歲晚深期在
東歸定幾時

詩經卷第三

益齋亂藁卷第四

山庵掌試後賀宴席上

國老提衡古未多，群雄入彀世爭誇。
天開萬古烟霞洞，春滿一庭桃李花。
羯鼓打翻銀漢月，鳳簫吹散赤城霞。
年年此樂何窮已，餘慶方鍾積善家。

壬申十一月晦日

落落平生喜遠遊，歸來弊盡黑貂裘。
誰同阮籍能青眼，未分文君共白頭。
案上有書時自讀，樽中無酒與誰謀。
傷心歲暮空階雨，竟日丁東滴。

不依

庚辰四月將東歸題齊化門酒樓

離歌音未解傷神老淚今何易滿巾三十年前
倦遊客四千里外獨歸身山河雖隔扶桑域星
野兀同析木津他日重來豈無念却愁華髮汙
緇塵

奇參政宅月山雙馬手卷

月山用筆逼龍眠寫出驂駟絕可憐不似悲鳴
虞坂上顏同游戲渭川邊皇恩豈啻千金賜家
寶須將萬葉傳安得與君真致此玉鞭金勒去

朝天

讀李義山集和蜂詩

多生臭觀得圓通
徧界香緣欲細窮
韓壽牆邊歌暖日
文君壚畔醉熏風
有時結伴依高樹
何處尋巢度遠空
課密若非王事急
只消恒舞百花中

江陵道村安集告別

路俯蛟龍窟
山鄰豺虎群
和泥煮白浪
帶燒鑿蒼雲
此地難為主
今年幸得君
遺民尚流涕
恨殺慎將軍

病中呈愚谷

讀書嗟聽楚聞道愧支離豈繫蒼生望謬蒙明
主知病語年去速開眼日斜遲卧念平生事多
為識者嘆

趙三藏李稼亭神馬歌次韻

馬國語

拂即神馬來皇都矯矯軒軒何所似長風破浪
雲雷奔海底烏龍款飛起龍耶馬耶不可知骨
法誰問寒風子世無玉山木肯為一飢雷兩耳
蹴裂交河水肯為一困甘遭策九重況得蒙主
恩三倍何論會利市照夜白師子花故應齧齧

難與比腐儒並世空聞名自恨年來返田里寫
真儻有曹將軍作讚那無杜子美願觀弄影王
輅前安得親奉明堂祀

哭尚德洪宰相瀾

邂逅俄成別驚呼已隔生臨書懷善誘對酒憶
真情淚溢大同水名懸平壤城應教吠天喙永
愧首丘誠時西京人有詩

和贈李外郎元弼

男子平生志四方不應羞澁為空囊靈均去楚
唯餐菊魯叟過陳也絕糧搔首只緣詩作崇揚

眉更覺酒能狂愧非指廩周公瑾傾蓋相從亦
不妨

菊齋權文正公挽詞

揚歷清華到上台君王獨倚棟樑材詩書滿屋
無樊素簪履盈門有子業千歲鶴歸三嶠月九
淵龍化五更雷才疎志足銘清德淚洒當年玉
鏡臺

平生德爵已雙全壽比汾陽更一年將謂坐忘
非示病豈知尸解即迴禪姮娥相待廣寒殿居
士獨歸堦率天他日東山華屋過空瞻黃鶴白

雲邊

夜坐呈竹軒金宰相

去年負綫遠朝天
冰滿遼河馬不前
誰識乞身閑氣味
一龕燈火夜參禪

奉賀竹軒金政丞

威烈公家翼戴公
大山功後大山功
要知積善多餘慶
又見賢孫拜侍中

近日無端世論乖
衣冠人物棄如泥
願公力復昇平舊
莫遣功名在狄鞮

誰將國病付庸醫
豈念蒼生命若絲
幸有耆婆

一丸藥從今試手療瘡痍

松廣和尚寄惠新茗順筆亂道寄呈丈下

枯腸止酒欲生烟老眼看書如隔霧誰教二病
去無蹤我得一藥來有素東菴昔爲綠野遊慧
鑑去作曹溪主寄采佳茗致芳訊報以長篇表
深慕二老風流冠儒釋百年存沒猶晨暮師傳
衣鉢住此山人道規繩起乃祖生平我不悔雕
蟲事業今宜慚幹蠱傳亦有約結香火牽俗無
由陪杖屨豈意寒暄問亦居不將出處嫌異趣
霜林虬印寄會先春焙在舌分亦屢師雖念舊

亦不忘我自無功愧多取數間老屋草生庭六
月愁霖泥滿路忽驚剗送筠籠又獲芳鮮逾
玉腴香清曾摘火前春色嫩尚含朴下露颼颼
石砭松籟鳴眩轉甌甌乳花吐肯容山谷託雲
龍便覺雪堂羞月兔相投真有慧鑑風欲謝只
欠東菴句未堪走筆效盧仝况擬著經追陸羽
院中公案勿重尋我亦從今詩入務初鑒以
卷其書載云前公案付山著若下東菴必以
詩為答全法主亦寄茶於益齋為年例云

門生鄭學士掌試後賀宴席上

桃李成行拜鯉庭嚴顏喜溢鬢還青吾家六子

今何在辛苦當年教一經

息影菴入京遣侍者問疾戲呈一絕

向來飛錫肯相過只爲知音世未多見說王公
爭結軌枉煩侍者問沉痾

寄雞林郡公

即騎白馬遊不歸黃金臺前草萋萋杜鵑花開
去年技何時更聞即馬嘶

題手卷二首

天台三聖傍虎伺眠

豐干老去不參禪寒習從來只掣顛白額將軍

亦何者忍飢共打一塲眠

老姬對少年叙情

顏色雖非滿鏡春歌聲尚足動梁塵感君一贈
同心結不為千金更媚人

竹軒席上

滿園紅雪落紛紛一棹觥船盡百分莫為主
人泉洒面何妨座客醉書據竹軒多於酒塲

柳學士思菴

幾年傍路費光陰閉戶端居志念深黃卷展開
春寂寂青燈挑盡夜沉沉風雲變態無窮事天

地同流只此心思到無思真有得古人雖遠是
如晉

延祐己未予從於忠宣王降香江南之寶

施密王召古抗吳壽山

一本作陳如誤也

今寫陋

容而北村湯先生為之費址歸為人借觀
曰失其所在其後三十二年余奉國表如
京師復得之驚老壯之異貌感離合之有
時題四十字為識

我昔留形影青青兩鬢春流傳幾歲月邂逅尚
精神此物非他物前身定後身兒孫渾不識相

問是何人

車書其同禮樂其東光岳其鍾為人之宗為
世之雄為儒之通氣正而洪貌儼而恭言慎
而從恢恢乎容溫溫乎融挺挺乎中於學則
充於道則隆於文則豐存心以忠臨政以公
輔國以功命而登庸瞻而和衷猷而時雍

延祐己未九月望日北村老民湯炳龍書
于錢塘保和讀易齋時年七十有九

寶蓋山地藏寺用小陵龍門奉先寺韻

當年無極翁道眼開勝境短麓圍雲根方塘倒

峰影葉落秋徑微松吟夜堂冷投老窺玄關泯泯慙猛省

癸巳五月掌試棘園呈同知貢舉洪二相

壯元榜眼兩儒臣相次提衡在一春惆悵白頭

參試席當年誰是第三人

今年監試試官宋天鳳諫議為安質齋李

陋室門下壯元洪公為同榜榜眼其第三人則吾亡子揔郎也

天教老日眼增明付與儒林分外榮四見門生為座主更為座主見門生

悼王政丞

照

再登廊廟惠斯民益見忠宣鑒裁神富貴不淫

威不屈後來唯恐更無人

上馬朝天累革歸雲容水色慙依依近來宰相

多淪喪曾見吾民涕一揮

百姓開公已至有哭位者

悼恥菴朴判事

忠佐

眼昏猶玩宓義書身貴能安葛亮廬惆悵桑君

上池水一杯曾不乞相如

恥菴因消渴而亡

同承顧問侍經筵兩散雲離白髮年得見先王
真大幸送君何事獨留連

悼李柯亭

叔葉

古松陰下屋三間秋草青青畫掩關詩酒往還

渾似夢不堪回首望龍山

悼安謹齋堂之軸

益齋少日日相從只有當之與拙翁四十年來
俱物化獨將衰淚洒西風

悼龜峯金政丞永昭

謝傳風流逐逝波蒼生有望奈今何龜峯峯下
蒲船月腸斷一聲漁父歌本官醉後每吟此詞

悼一齋權政丞漢功

朱顏綠骨地行仙何事棄雲去不還應為姮娥
勸霞衣醉吟佳句桂花間

悼竹軒金公承

詩酒相從已隔生一瞻垂堂一傷情可憐老馬
知人意每過開門不肯行

陳勝

甕牖繩樞去故園魚書孤火起中原只應燕雀
譏鴻鵠一去都忘籠上言

項羽

書劍應難敵萬人須知大勇在安民韓三卒得
東歸忘天意寧終假一秦

田橫

隨何有口來燕布魏豹無心聽酈生壯士難教
甘一辱漢皇爭得見田橫

劉向劉歆

丹心耿耿帝會知梓柱生根勢莫移地下可能
無駭汗國師公是迺家兒

韓信

出跨淮陰志頗奇亦知王業匪人為教令螻
翻演滌隘計何殊乳臭兒

蕭何

秦家圖籍漢山河以元曹參百倍加何者年來

還見繫只應差殺召平不

曹參

病瘡餘痛九州同俞扁何施些亦功不作一呼
終日醉膠西枉見白頭翁

張良

五世君恩未足酬誓將心力快秦讎韓王又作
彭城土借箸何辭轉一籌

陳平

呂氏應非項氏儔何緣到此獨深憂絳侯推櫬
三陵慙更欠高皇用我謀

王陵

當時王呂議難勝他日安劉方可能慈母一言
今在耳不因存沒負長陵

夏侯嬰

劍下淮陰為大將車中季布作名臣滕公鑑識
真弊及最是高皇善用人
攀龍附鳳豈無人驟乘初終只一臣擁樹兩兒
誠不忍帝心應念放麀仁

蒯通

嫉功樂禍亡三僞肆辯邀名起兩臣八立一言

能免鑊豈如絨口廟中人

劉敬

欲將漢主嫁昆夷想見當初計畫時千載明妃
心語口奉春君豈是男兒

陸賈

將相同心業再昌漢家聲教到南荒擊鮮樂飲
真良計枉賈機關為辟陽

樂軒李侍中在通津山齋金百鎰李松縉
兩學士偕卓然師往謁路人見者曰江都

地勢一日東傾

然師自號雲遊子
筆法為當時之冠

兩點文星會德星三韓望重泰山輕座中更著
雲遊子莫恠江都地勢傾

許文敬珙李判樞尊在俱以東征事出慶
尚道共訪其同年朴秀才祿之宜春田舍
各畱詩一篇

黃茅苦竹海村邊數畝田園屋兩椽何事古今
聲價重二公同訪一同年

洪南陽奎聞妙蓮無畏國師善吹笛自袖
中琴八方丈請之國師為作數弄

天台再世顓禪師也為洪崖捻竹吹更說清溪

舟上客踞床三弄得桓伊

宋樞相和過華嚴六具僧統於興王寺具
公欲觀其弄杖宋幅巾躍馬爲之移日

羽林飛將少稱奇百戰年來兩鬢絲不是支郎
有真賞一場毬馬只兒嬉

小樂府

拘拘有雀爾奚爲觸著網羅黃口兒眼孔元來
在何許可憐觸網雀兒癡

鵲兒籬際噪花枝喜子床頭引網絲余美歸來
應未遠精神早已報人知

浣沙溪上傍垂楊執手論心白馬郎縱有連簪
三月雨指頭何忍洗餘香

黃雀何方來去飛一年農事不曾知鰥翁獨自
耕耘了耗盡田中禾黍為

脫却春衣掛一肩呼朋去入菜花田東馳西走
追蝴蝶昨日嬉遊尚宛然

新羅笱日處客翁見說來從碧海中貝齒頰唇
歌夜月鵝肩紫袖舞春風

木頭雕作小唐雞飭子拈來壁上棲此鳥膠膠
報時節慈顏始似日平西

縱然巖石落珠璣
縷縷固應無斷時
與郎下載相離別
一點丹心何改移

憶君無日不需衣
政似春山蜀子規
爲是爲非人莫問
只應殘月曉星知

昨見郭神龍言及
菴欲和小樂府以
其事一而語重故
未也僕謂劉賓客
作竹枝歌皆變峽
間男女相悅之辭
東坡則用二妃屈
子懷王項羽事綴
為長歌夫豈襲前
人乎及菴取別曲
之感於意者翻為
新詞可也作二篇
批之

都道川頽制水坊水精寺裏亦滄浪上房此夜
藏仙子杜主還為黃帽郎

近者有達官戲老妓鳳池蓮者曰爾曹
惟富沙門是從士大夫召之何來之遲
也答曰今之士大夫取富商之女為二
家否則妾其婢子我輩尚擇緇素何以
度朝夕座者有愧色鮮于樞西湖曲云
西湖盡舫誰家女貪得纏頭強歌舞又
曰安得壯士擲千金坐令桑濮歌行露
宋亡士族有以此自養者故傷之也耽

羅此曲極為鄙陋然可以觀民風知時
變也

從教隴麥倒離披亦任丘麻生兩坡滿載青莨
魚白米北風船子墜來時

耽羅地狹民貧往時全羅之賈販菴
器稻米者時至而稀矣今則官私牛
馬蔽野而靡所耕墾往來冠蓋如梭
而困於將迎其民之不幸也所以屢
生變也

戊戌正朝

路逢扶杖白頭人自約衰年不出門堪笑七旬
今過二聽雞騎馬賀三元

忠宣王真容移安于海安寺

白頭重望屬車塵眉宇依然照上春此日感懷
誰似我當時法從更無人

送金海府使鄭尚書國徑得時字

讀書思古人常恨不同時同時見古人至樂良
在茲幸哉吾今得吾子胡不感此前賢詩平生
拙翁吾所畏與世齟齬人共嗤東人遺文手自
錄又有拙藁皆屈奇一觀直欲覆醬甑攘攘可

笑羣兒癡殷勤鏤板垂不朽今世古人非子誰
魚書虎竹吾州去吾爲吾民多賀之汝蠱豈不
剔汝疾豈不醫噓以燠汝骨哺以肥汝肌五袴
何止歌來暮一錢何止表去思九原誰喚拙翁
起滌筆爲作德政碑

鄭嘗爲全羅道按察使時及黃閣相授以崔拙翁東

人之文及拙藁鄭皆剽粹以傳

後儒仙歌爲崔拙翁作示及菴

孤雲雲孫雲錦腸曼倩嘲謔寬饒狂賈勇中朝
戰藝場磊落夏宋伯仲行君胡爲乎思故鄉燕
南鬼怪方壽張萬口相和喧蜩蟬風生四壁月

照床中夜起坐歌虞唐病瘡老馬飢欲僵呼僮
拂鞍靴滿霜平明敲椎之何方竹軒為啓琴書
堂可人更有白玉郎愛直自合依南陽珥筆視
草平斗量翩然乘風歸帝傍手挽斗柄挹天漿
豈憶丹楹垂扶桑同庚故人鬢蒼浪含糊稜
坐巖廊下視啞啞一笑長騎龍被髮游鴻荒

聽初生彈琵琶

傳粉鷄冠人姓李六尺輿中侍天子東歸一夢
陽臺雨典刑留與鷗頭女十三麗質傾教坊十
五妙藝專歡場只今四十減紅顏杏花脉脉不

禁寒良人少年號眉嫵一擲千金掌中舞錦帶
繡囊香未歇綠陰青子春何處龍香捍撥鳳尾
槽嘈噴為誰相爾汝烏孫馬上漢宮情青塚月
明仙佩聲輕擺慢撚意難盡倚絃低唱一再行
聽之恍如烟霧墮遮莫四座譏老我作詩欲代
錦纏頭但愧江州白司馬

門生栗亭尹政堂得蒙主上為之寫真仍
題栗亭二大字其上千載一遇耳目所罕

作詩以賀

君不見韓張良漢皇字之稱子房君不見白樂

天唐帝畫之留集賢不名而字固偶耳命工而
畫奚足美賢哉我友尹政堂稀代恩榮蒙我王
金窓褚案絕點塵玉手染翰為寫真水深山高
清且靈妙用直恐非丹青更題栗亭二大字鐵
點銀鈎照天地粉身何報萬分一傳家誰貴金
千鎰凌煙休誇歐與虞唐太宗畫功臣於凌煙閣歐率更虞秘書以儒
者與誠齋生羨范石湖范成大參政號石湖宋
楊誠齋萬里拱手嘆賞傾朝官六宮指目亦改
作古詩嘆羨觀櫟翁驚喜出真意眼見門生奇特事凌煙休
誇歐與

虞一作高與虞高謂高士廉歐
在切臣圖中見長孫無忌詩

和鄭愚谷題張彥甫雲山圖

昔與姑蘇朱德潤每觀屏障燕市東鐵關山水
有僧氣公儼草花無士風月山盡馬不盡骨喜
作霧鬣黃金瞳獨愛息齋與松雪丹青習俗一
洗空白雲青山張道士晚出便欲誇精工萬壑
千峯在咫尺難將眼力子細窮忽驚森羅移我
側安得變化游其中濯足清溪弄明月振衣絕
頂凌蒼官

劉道權山水

瑜珥瑤環玉雪兒寄懷霞月亦云奇蓬壺骨相

奇雲器閣得人多子自知

月潭長老二畫

涉公降龍

神物志馴似犬羊山僧伎倆亦荒唐斷身遠逝
非無意額下明珠鉢底藏

豐干伏虎

珍重於菟也解禪因來相就共安眠回頭說向
寒山子穩勝青奴暖勝鹽

送田祿生司諫按全羅道

字孟暉

田郎作伴吾雞林父老至今懷德音拜囊慙惻

叫閭辭枕戈慷慨從軍詩要嬰高節凌首陽誰
貴食粟曹交長登車攬轡志澄清南方草木亦
知名南方近者頻年荒捐瘠往往徂路傍守令
識字百二三坐視弄法猶盲喑旋驅農夫防海
倭賊刃未接先奔波大將坐幕擁笙歌小將汗
馬輸弓戈豪奴聯騎攘公田官徵逋租不計年
嗚呼民生至此極誰與吾君寬肝食益齋也曾
玷廊廟受侮老姦弁惡少乞身自退僅免禍此
日尋思顏可赭田郎夙慕君子儒豈比老我空
嗚嚕往哉問瘼公無私馳奏得令明主知

送朴大陽按廩

戊戌年

七旬殘叟有孤孫
謫宦區區傍海村
時寶林寶林若念書筵舊
知己丑川亭上賜溫言

為孫寶林呈執政

己亥年

拙直書生宦嶺南
理民防寇兩難堪
賜環何日來相見
乃祖年今七十三

鄭澤堂後從軍

書生祇白紛紛壯志
孰如君舊慕韓司馬
今隨霍冠軍彩旗翻
曙月盡角撼秋雲
珍重離亭酒休辭
倒十分

湖海興藝還江南
台州寧海人

佳客來千里
幽人老一丘
仙標驚泗落
友意感
綢繆渺
烟波路
蕭蕭草
木秋
却懸徐孺榻
空
望李膺
亦
時
就
姓
鮑
乃
作
是
詩
在
後
不
復
有
為
述

益齋亂意卷第四



卷之四

八



一、

二、

三、

四、

五、


六、

七、

八、

九、

十、





齊益

一